

古  
今  
詞  
統

古今詞統卷十一

杭州

卓人月珂歷代詩餘

徐士俊野君叅評

粉蝶兒

和趙晉臣敷文賦落梅

辛棄疾

雅淡宜人  
絕美紅紫  
際中物

昨○日○春○如○十○三○女○兒○學○繡○一○枝○枝○不○教○花○瘦○甚○無○情○

便○下○得○雨○偏○風○慙○向○園○林○鋪○作○地○衣○紅○皺○而○今○春○

似○輕○薄○蕩○子○難○久○記○前○時○送○春○歸○後○把○春○波○都○釀○作○

江○醉○耐○約○清○愁○楊○柳○岸○邊○和○候○

於葉兒 師師令

師師令

贈美人

張先

香鈿寶珥，拂菱花、如水。學粧皆道稱時宜，粉色有天然春意。蜀絲衣、裳勝未起，縱亂霞垂地。○都城池苑，誇桃李、問東風何似。不須回扇障清歌，唇一點小於朱蘂。正值殘英和月隊，寄此情千里。

能換字句  
協節

按李師師汴京名妓，張子野爲製新詞名師師令。秦少游亦贈之，生查子詞云：遠山眉黛長，細柳腰肢裊。粧罷立春風，一笑千金少。歸去鳳城時，說與

青樓道看遍。潁川花不似。師師好。後徽宗微行幸

之

隔浦蓮

一作隔浦蓮近拍

夏景

周邦彥

鶯魚錯認  
月沉鉤正  
如鳥認果  
爲九耳

新篁搖動翠葆。曲徑通深窈。夏果收新脆。金丸驚落。  
飛鳥攪。蘆花迷岸草。蛙聲鬧。驟雨鳴池沼。冰亭小。浮  
萍破處。簷花簾影顛倒。綸巾羽扇。困臥北窗清曉。屏  
裏吳山夢。自到驚覺。依然身在江表。  
綸音關

肯揚。彈煥序片玉詞云。美成爲溧水邑長民到于

轉驛之除，行入計年後，踵公舊治，既喜且媿。後圖  
新堂，曰姑射，有達曰：「蕭閒清寂，取神仙事，名之可以  
應公襟抱。」適觀漸綠之鵲，隔浦之蓮，抑又思公之  
詞，撫寫物態，曲盡其妙。暇日，式燕嘉賓，歌緒在上，  
衆以公詞爲首唱。然後知邑人愛其詞，乃所以不  
忘其政也。○詞品曰：杜詩「燈前細雨簷花落」，今人  
改簷前細雨，燈花落，美成詞「簷花簾影顚」，今人  
改簾花簷影，總之，不識簷花字耳。又美成詞「簷花  
紅雨照方塘」。

和周清真

方千里

垂楊烟濕嫩葆別嶼環清窈紺影浮新漲夷猶終日  
魚鳥花妥庭下草鳴蟬鬧暗綠藏臺沼○野軒小飲  
眠斷夢閒書風葉顛倒詩懷酒思悔費十年昏曉投  
老紅塵倦再到愁覺悠然心寄天表

陸游

似陸天德  
良宵者一  
曲

騎鯨雲路倒景醉面風吹醒笑把浮丘袂寥然非復  
塵境震澤秋萬頃烟霏散水面飛金鏡○露華冷湘  
妃睡起鬟傾釵墜慵整臨江舞處零亂塞鴻清影河

漢橫斜液漏永。人靜。吹簫同過緱嶺。

傳言玉女

元宵

胡浩然

一夜東風不見柳梢殘。雪御樓烟暖。對鰲山綵結簫  
鼓向曉。鳳輦初回宮闕。千門燈火。九逵風月。繡閣  
人人乍嬉遊。困又歇。艷粧初試。把珠簾半揭。嬌羞向  
人手。撚玉梅低說相逢長。是上元時節。

結數語入  
紫釵記

詠蝶

劉基

爲問韓憑何事化。爲蝴蝶。妬風羞雨。一身輕似葉。園

想見栩栩  
然初化時

死畫永麗日晴烟相接舞回柳眼拍翻花頰○殢粉  
迷香困酣猶自未愜錦雲深處更愁濃露浥何況素  
秋枝上曉霜披鬢祇應無奈翠銷紅厭

厭音瞋損也與壓字不同壓字見洽韵厭字見葉

韵

百媚娘

題荷

張先

珠閣五雲仙子未省有誰能似百媚等應天乞與淨  
蘊艷粧俱美取次芳華皆可意何處無桃李○蜀被

二顧百媚  
粉黛無顏



使牛飲者  
聽之蜂當  
作牛鬪矣

錦紋鋪水不放綠。鸞雙戲樂事也。知存後會。爭奈眼前。心裡綠皺。小池紅疊砌。花外東風起。

### 剔銀燈

同公素賦侑歌者以七急拍七拜勸酒

毛滂

簾下風光自足。忽到席間屏曲。瑤甕酥融。羽觴蟻鬪。花映鄴湖寒綠。汨羅愁獨。又何似紅圍翠簇。○聚散悲歡箭速。不易一盃相屬。頻剔銀燈。別聽牙板。尚有龍膏堪續。羅熏繡馥。錦瑟畔低迷醉玉。

河滿子 第二體

詠夢

林章

竟壯壯  
亭上鬼語

春日弄花不影。秋宵踏月無痕。萬疊江山千古事。那  
消一刻黃昏。只怕鶯啼禁苑。更愁雁叫關門。○洛浦  
明珠翠羽。巫峯暮雨朝雲。離合悲歡都沒據。可憐做  
盡殷勤。落得羅浮歸後。教人喚作香魂。

千年調

辛棄疾

卓老評實  
南西府如

堯酒向人時。和氣先傾倒。最要然。然可萬事稱好。

喉間退出  
來者余於  
稼軒亦云

滑稽坐上更對鴟夷笑。寒與熱。總隨人。甘國老。○少年使酒。出口人嫌拗。此箇和合道理。近日方曉。學人言語。未會十分巧。看他們。得人憐。秦韶兀

公自序云。蔗庵小閣名曰卮言。作此詞以嘲之。蔗庵信守鄭舜舉所作也。○秦吉了。鳥名。一云情急了。

開山徑得蒼壁意。天所賜。喜而賦。

辛棄疾

左手把青霓。右手挾明月。吾使豐隆前導。叫開閭闔。

然  
古色蒼蒼

周遊上下。徑入寥天一。覽玄圃。萬斛泉。千丈石。鉤  
天廣樂。燕我瑤之席。帝飲予觴甚樂。賜汝蒼壁璘珣  
突兀。正在一丘壑。余馬懷僕夫悲。下恍惚。

荔枝香

和周清真韵

方千里

勝日登臨幽趣。乘興去。翠壁古木千章。林影生寒霧。  
空濛冷濕人衣。山路元無雨。深澗陡瀉飛泉。溜甘乳。  
○漁唱晚。看小棹歸前浦。笑指官橋。風颭酒旗斜舉。  
還脫宮袍一醉。芳杯倒鸚武。幸有雕章蠟炬。

憶帝京

黃庭堅

永清亦云  
無端銀燭  
殞秋風  
犀得暗通  
何倉卒之  
歡相類耶

銀燭生花。紅豆占好事。如今有人醉曲屏深。借寶瑟輕。招手一陣白蘋風。故滅燭教相就。○花帶雨。冰肌香透。恨啼鳥。轉轉聲曉。柳岸微涼吹殘酒。斷腸人依舊。鏡中消瘦。恐那人知後。鎮把你來。憐憐。

于飛樂

別詞

毛滂

夢破雲驚  
輕似石破  
天驚

正背騰濃睡裏。一片行雲。未多時夢破。雲驚聽轉。藍

斷聲犯重

聲斷也。井底銀瓶。不如羅帶等閒。便結得同心。繫  
畫船。楊柳岸。曉月亭亭。記陽關斷。酌殘聲。被西風吹  
玉枕。酒鬼還清。有些言語。獨自箇說與誰磨。

風入松

題酒肆

于國寶

國寶可稱  
天子門生  
夫卑竟重  
移處酒門

一春常費買花錢。日日醉湖邊。玉驄慣識西湖路。驕  
嘶過沽酒樓前。紅杏香中。歌舞綠楊影裏。秋千。暖  
風十里。麗人天。花壓鬢雲偏。畫船載得春歸去。餘情  
付湖水。湖烟。明日重扶殘醉來尋。陌上花鉶。

詞統

本卷十一

于飛樂

風入松

生不如主  
司

此夫親短  
轅轅軍長  
柳塵尾者  
更憐此婦  
抱我足猶  
憐者更酷

淳熙間御舟過斷橋見酒肆屏風上有此詞光堯  
稱賞良久宣問何人所作乃太學生于國寶也重  
扶殘醉原詞作重携殘酒上笑曰此句不免酸寒  
氣因爲改之卽日予釋褐

戲人去妾

蔣捷

東風方到舊桃枝。仙夢已雲迷。畫闌紅子擗蒲處。依  
然是春晝簾垂。恨殺河東獅子。驚回海底鷗兒。○尋  
芳少步莫嫌遲。此去却慵移。斷腸不在分襟後。原來  
在襟未分時。柳岸猶携素手。蘭房早掩朱扉。

福清道中作

劉克莊

歸鞍尚欲小徘徊、逆境難排。人言酒是消憂物，奈病  
餘孤負金罍。蕭瑟搗衣時候，淒涼鼓缶情懷。○遠林  
搖落晚風哀，野店猶開。多情惟是燈前影，此翁同  
去。同來逆旅主人相問，今迴老似前迴。

劉克莊

殘更難捱抵年長，曉月淒涼。芙蓉院落深深閉，歎芳  
卿琴在人亡。絕筆無求，皇曲痴心有返，覓香○起來  
休。鬢邊霜半被堆床，定歸堦。率蓬萊去，奈人間無



路茫茫。綠斷謾三彈。指憂來欲九迴腸。

壽梅壑

吳文英

一颿江上莫潮平。騎雀過瑤京。湘波山色，青天外，紅  
香蕩玉珮東丁。西園仍圓夜月，南風微弄秋聲。○阿  
咸才俊，翠壺冰玉，母最憐生。萬年枝上千年葉，垂楊  
鬢春共青青。連喚碧甯傳酒，雲回一曲，雙成。

廣陵元夜病中有感

張翥

東風巷陌暮寒驕。燈火鬧河橋。勝游憶徧錢唐夜，青  
鸞遠信斷難招。蕙草情隨雪盡，梨花夢與雲銷。○客

三語詞人  
往往合用

為風流學  
士為照能  
使翰墨皆  
香

懷先自病無聊。綠酒負金蕉。下帷獨擁香篝。睡春城外。玉漏聲遙。可惜滿街明月。更無人為吹簫。

寄柯敬仲

虞集

畫堂紅袖倚清酣。華髮不勝簪。幾回晚直金鑾殿。東風軟。花裏停驂。書詔許傳宮燭。輕羅初試朝衫。○御溝冰泮水按藍。飛燕語呢喃。重重簾幕寒猶在。憑誰寄銀字泥槭。報道先生歸也。杏花春雨江南。

柯敬仲名九思。際遇元文宗。起家為奎章閣鑒書博士。得出入內庭。後失寵。退居吳下。虞伯生賦此。

即似柳飛  
停中風舞  
登時之語

寄之詞翰兼美一時傳誦機坊以此織成帕云

撲蝴蝶

無名氏

烟條雨葉綠遍江南岸。思歸倦客。尋芳來較晚。岫邊  
紅日初斜。陌上花飛正滿。淒涼數聲羌管。怨春短。○  
玉人應。在月明樓中。畫眉嬾。蠻牋錦字。多少魚雁斷。  
恨隨去水東流。事與行雲共遠。羅衾舊香猶暖。

此調後半段首句或有少二字者

祝英臺近

春晚

辛棄疾

寶釵分、桃葉渡。烟柳暗南浦。陌上層樓十日九風雨。  
斷腸點點飛紅，都無人管。倩誰勸、流鶯聲住。○鬢邊  
覩。試把花卜歸期，纔簪又重數。羅帳燈昏，更噎夢中  
語。是他春帶愁來，春歸何處？又不解、帶將愁去。  
結尾數語  
分明流聲  
聲也自然  
婉轉銷魂  
怎生住得

瓢泉

辛棄疾

水縱橫山遠近。拄杖占千頃。老眼羞明水底看山影。  
試教水動山搖。吾生堪笑似此箇青山無定。○一瓢  
飲。人問翁愛飛泉來尋箇中靜。遶屋聲喧。怎做靜中  
安羅濟話  
云月隨雲  
走月竟不  
移岸逐舟  
行岸終自  
若於此可

以悟解

鏡我眠君且歸休。維摩方丈待天女散花時問。

自序云與客飲瓢泉客以泉聲喧靜爲問余辭未  
及畬或者以蟬噪林逾靜代對意甚美矣翌日賦  
詞以褒之

餞陳少逸被倉臺檄行部

吳文英

問流花尋夢草。雲暝翠微路。錦雁峯前淺約。盡行處  
不教嘶馬飛春。一匳越鏡。那銷盡紅吟綠賦。○送人  
去。長絲初染。柔黃晴和曉。烟舞心事。偷占鶯漏。漢宮  
語。趁得羅蓋天香歸來時候。共留取玉闌春住。

所以說  
武前頭不  
敢言

除夜立春

吳文英

剪。紅。情。裁。絢。意。花。信。上。鈎。股。殘。日。東。風。不。放。歲。華。去。  
有。人。添。燭。西。窗。不。眠。侵。曉。笑。聲。轉。新。年。鶯。語。○。舊。尊。  
俎。玉。纖。曾。擘。黃。柑。柔。香。繫。幽。素。歸。夢。湖。邊。還。迷。鏡。中。  
路。可。憐。千。點。吳。霜。寒。銷。不。盡。又。相。對。落。梅。如。雨。

史達祖

柳枝愁。桃葉恨。前事怕重記。紅藥開時。新夢又。淅。消。  
此情老去須休。春風多事。便老去。越難回避。○阻幽。  
會。應。念。偷。剪。醺。醺。柔。條。暗。紫。繫。節。物。移。人。春。暮。更。顛。

居橋壘塊  
不減乃也  
之滿江紅

賴可堪竹院題詩。薛階聽雨。寸心外。安愁無地。

### 北固亭

岳珂

澹烟橫。層霧歛。勝槩分雄。占月下。鳴榔。風急怒濤轉。  
關河無限。清愁不堪臨鑑。正雙鬢。秋風塵染。漫登  
覽。極目萬里沙場。事業頻看劍。古往今來。南北恨天  
塹。倚樓休弄新聲。重城門掩。歷歷數西州。點點占去聲

### 感懷

太學生

倚危闌。斜日暮。暮甚情緒。穉柳嬌黃。金未禁風雨。  
春江萬里雲濤。扁舟飛渡。那更聽寒鴻無數。歎離

與辛詞結  
向法同而  
意迥別

真率可道  
人語

方虛名謬  
河屏胸中  
無一字成  
語書然則

阻有恨流落天涯誰念泣孤旅滿目風塵冉冉如飛  
霧是個人愁來那人何處念知道愁來又去

訣別

江西女子

惜多才憐薄命無計可留汝揉碎花牋忍寫斷腸句  
道傷楊柳依依千絲萬縷抵不住一分愁緒○□□  
□□□□□□□□□□對月盟言不是夢中  
語後回君若重來不相忘處把杯酒澆奴墳土

詞品戴石屏薄游江西有富翁妻以汝留三年思

歸自言曾娶婦翁怒汝宛曲解之盡以嫁奩贈行



不止于金  
行矣

仍餞以詞投江而死。嗚呼！石屏無行如此，而台州猶祀于鄉賢，何哉？

春恨

吳淑姬

粉痕銷，芳信斷。好夢又無據。病酒無聊，欹枕聽寒雨。斷腸曲曲屏山。溫溫沉水。都是舊看承人處。久離阻。誰念一點芳心，閒恨有如許。偷照菱花，清瘦自羞覷。可堪梅子酸時。楊花飛絮。亂鶯鬧催將春去。

側犯

夏夜

周美成

靜字重韻  
鎖字失韻  
方千里改  
之是也

修篁散步  
屨不成句

暮霞霽雨小蓮出水紅粧靚風定看步韞江妃照明  
鏡飛螢度暗草秉燭遊花徑人靜携艷質追涼就槐  
影○金鑲皓腕雪藕清泉瑩誰念省滿身香猶是舊  
荀令見說胡姬酒壚寂靜烟鎖漠漠藻池苔井

左傳注胡姬齊景公妾也又辛延年羽林郎詩  
有霍家奴姓馮名子都依倚將軍勢調笑酒家胡  
和周清真  
方千里

四山翠合一溪碧繞秋容靚波定見鷺立魚跳動平  
鏡修篁散步屨古木通幽徑風靜烟霧直池塘倒晴

恐有誤

影○流年舊事老矣塵心瑩還暗省點吳霜顚頓愧  
潘令夢憶江南小園路迴愁聽葉落轆轤金井跳平聲

一叢花

張先

還寬記妙  
語昔出子  
野

傷高懷遠幾時窮無物似情濃離心正引千絲亂更  
南陌飛絮濛濛嘶騎漸遙征塵不斷何處認郎蹤○  
雙鴛池沼水溶溶南北小橈通梯橫畫閣黃昏後又  
還是斜月簾櫳沉恨細思不如桃杏猶解嫁春風

送入我門來

吳鼎芳

翠館歌檀，紅樓舞袖，金鞭留醉誰家。數尺遊絲，惹恨  
到天涯。君同秋去，春來燕，奈妾似朝開暮落花。說  
與傍人不解，種種淒淒切切，調入琵琶。帶孔頻移，瘦  
得這些些。無端今日千行淚，總有分當時一念差。

御街行

秋日懷舊

范仲淹

寒聲碎何  
如少游之  
驚聲碎

紛紛墜葉飄香砌，夜寂靜、寒聲碎。真珠簾捲玉樓空。  
天澹銀河垂地。年年今夜，月華如練，長是人千里。

楚詞亟稱  
美人公子  
夫君下女  
豈亦鄭衛  
淫奔之類  
耶

愁腸已斷無由醉、酒未到、先成淚、殘燈明滅枕頭欹、  
諳盡孤眠滋味、都來此事、眉間心上、無計相迴避、

詞品曰范文正公司馬溫公韓魏公皆一時勲德  
重望范詞旣情致如此而韓亦有點絳唇云病起  
懨懨向庭前花樹添憔悴亂紅飄砌滴盡真珠淚  
惆悵前春誰向花前醉愁無際武陵凝睇人遠波  
空翠溫公亦有西江月云寶髻鬆鬆綰就鉛華淡  
淡粧成紅雲翠霧罩輕盈飛絮游絲無定相見爭  
如不見有情還似無情笙歌散後酒微醒深院月

明人靜大抵人自情中生焉能無情但不過甚而  
已予友朱良規云天之風月地之花柳與人之歌  
舞無此不成三才雖戲語亦有理也○弇州曰眉  
間心上二句似易安而小遜之其天淡銀河垂地  
語却自佳○姜明叔曰溫公西江月詞決非溫公  
作宣和間耻溫公獨爲君子作此詞誣之耳

賦橋

高觀國

藤筠巧織花紋細稱穩步如流水踏青陌上雨初晴  
嫌怕濕文鴛雙履要人送上逢花須住纔過處香風

起○裙兒挂在簾兒底。更不把窗兒閉。紅紅白白簇  
花枝。恰稱得尋春芳意。歸來時晚。紗籠引道。扶下人  
微醉。

金人捧露盤

一名西平曲 一名上西平

梅花

高觀國

念瑤姬。翻瑤珮。下瑤池。冷香夢。吹上南枝。羅浮路杳。  
憶曾清曉。見仙姿。天寒翠袖。可憐是倚竹依依。○溪  
痕淺。雪痕凍。月痕淡。粉痕微。江樓怨。一笛休吹。芳音  
待寄。玉堂烟。驛雨淒遲。新愁萬斛。爲春瘦。却怕春知。

爲則情  
却羞郎  
意

水仙花

高觀國

昔聞仙詩  
妻傍我  
水仙作

夢湘雲吟。湘。月。品。湘。靈。有誰見。羅襪塵生。凌波步弱。  
背人羞整六銖輕。娉娉裊裊。暈嬌黃。玉色輕明。香  
心靜。波心冷。琴心怨。客心驚。怕珮解。却返瑤京。杯擎  
清露。醉春蘭友。與梅兄。蒼烟萬頃。斷腸是雪冷江清。

惜春

程垓

通篇作  
共及然  
數花草  
處

愛春來。憂春去。爲春忙。旋點檢。雨障雲妨。遮紅護綠。  
翠幃羅幙。任高張。海棠明月。杏花天。更惜濃芳。喚  
鷓鴣。吟招蝶。拍迎柳。舞倩桃。粧盡呼起。萬籟笙簧。一觴



執美旅人  
全在韻脚  
此跡見  
心事傳此  
之謂也

一咏儘教陶寫繡心腸。笑他人世漫嬉游。擁翠偎香。  
正伯詞有南月驚鳥西風破雁沉水熨香年似日。  
薄雲垂帳夏如秋。皆俊句。

閨思

孟稱舜

自當時相別後。佳期過。漸庭前芳草成窩。餘香猶在。  
郎今去也。再來麼。春光八九。虛度了。燕舞鶯歌。如向  
花前。深深拜。凝望眼。剪湘波。嘆迢迢良夜如何。風飄  
翠帶。春寒綉閣減香羅。蕭條夜月。閒庭坐。頻掩修蛾。

詠秋海棠

楊 宛

借垂絲貼  
梗西府諸  
種爲與

一美成詞風  
雲影初露  
水鄉增綠  
寒樹杪墮  
毛羽磨牙  
掛琅玕起  
句亦勝

記春光繁華日萬花叢正李衰桃謝匆匆儂家姊妹  
妖枝艷蕙笑東風薄情仍共春光去惆悵庭空○到  
如今餘孤幹羞桃李一園中憐嬌姊試沐新紅恐傷  
姊妹意含芳斂韻綺窗東隣家不分伊偏占放出芙蓉  
紅林擒近

和周清真

方千里

曉起山光慘晚來花意寒暝月衣纖縞因風佩琅玕  
三弄江梅聽徹幾點岸柳飄殘宛然舞曲初翻簾影  
捲波瀾○把酒同喚醉促膝小留歡清狂痛飲能消

多少杯盤。況人生如寄。相逢半老。歲華休作。容易看。

踏青游

贈妓崔念四

蘇軾

識箇人人。恰正年年歡會。似賭賽六隻。渾四向。巫山  
重重去。如魚水。兩情美。同倚畫樓十二。倚畫樓。又還  
重倚。兩日不來。時時在人心裏。擬問卜。常占歸計。  
拚三八。清齋望。永同鴛被。驀然被驚覺。夢也有頭無  
尾。

瑤階草

程垓

空山子規叫，月破黃昏冷。簾幙風輕，綠暗紅又盡。自從別後，粉消香膩，一春成病。那堪畫閣日永。○恨難整。起來無語，綠萍破處，池光淨。悶理殘粧，照花獨自憐瘦影。睡來又怕飲來，越醉醒來，却悶看誰似我孤另。

最高樓

梅花

辛棄疾

梅花被宋人做壞枝

花知否。花一似何郎，又似沈郎。陽瘦稜稜地，天然白。

香影無味  
矣讀蘇軾  
句無海樓  
之局

王方平所  
云狡獪變  
化

冷清清地許多香笑東君還又趁北枝忙。着。一陣  
霎時間底雪。着一個缺些兒底月。山下路水邊牆。風  
流怕有人知處。影兒守定竹旁廂。且饒他桃與李。少  
年場。

影兒守定。一作蒼松側畔。且饒。一作怎禁情史文  
帝初相。周元諧曰。公無黨如水間。一堵牆大危矣。

催春

蔣捷

新春景。明媚在何時。宜早不宜遲。軟塵巷陌。青油曉  
重簾深院。畫羅衣。要些兒晴日照。煖風吹。一片片。

雪兒休要下一點點雨兒休要灑繞恁地越愆期悠  
悠不趁梅花到忽忽枉帶柳花飛倩黃鶯將我話報  
春知

千秋歲 第二體一作千秋歲引

秋思

王安石

別館寒砧孤城畫角一派秋聲入寥廓東歸燕從海  
上去南來雁向沙頭落楚臺風庾樓月宛如昨○無  
奈被此名利縛無奈被他情擔閣可惜風流總閒却  
當初謾留華表語而今誤我秦樓約○夢闌時酒醒後

思量着

驀山溪

春情

張孝祥

雄風豪雨。時節清明近。簾幙起輕寒。煖紅爐笑翻灰。  
燼陰藏遲日。欲驗幾多長。繡工慵圓。碁倦香篆頻銷。  
印。茂林芳徑。綠變紅添潤。桃杏意酣酣。占前頭。  
一番花信。華堂尊酒。但作艷陽歌。會聲喜流雲盡。明日。  
春遊俊。

後字妙

至宜州寄陳湘

黃庭堅

身字妙李  
空同生不  
識爲春終  
出驚爲是  
皆是也

稠花亂葉到處撩人醉。林下有孤芳。又忽忽成蹊。桃  
李今年風雨。莫送斷腸紅。斜枝倚。風塵裏。不帶風塵  
氣。微嗔又喜。約畧知春味。江上一帆愁。夢猶尋歌  
梁舞地。如今對酒。不似那回時。書罷寫。夢來空。只有  
相思是。

賦春

杜旗

春風如客。可是繁華主。紅紫未全開。早綠遍江南。千  
樹一番新火。多少倦遊人。纔腰柳。不知愁。猶作風前  
舞。小闌干外。兩兩幽禽語。問我不歸家。有佳人天



寒日暮。老來心事。唯有春知。江頭路。帶春來。更帶春歸去。

若使堦前  
並春當今  
魚管停聲

晏叔原詩。小白長紅。又滿枝。策毬塲外。獨支頤。春風自是人間客。主管繁華得幾時。○杜伯高登東萊呂成公之門。弟仲高。叔高。季高。幼高。才名不相上下。陳同甫曰。伯高之賦如奔風。逸足而鳴。以和鸞。俯仰于節奏之間。又曰。仲高麗句如所謂半落半開花有恨。一晴一雨春無力。令人眼動。及讀到別纜解時。風度緊。離艤盡。處花飛急。然後知晏叔

原之落花人獨立，微雨燕雙飛。不得長擅美矣。又  
曰：叔高之詩如干戈森立，有吞虎食牛之氣。而左  
右發春妍，以輝映于其間。又云：仲高之詞，叔高之  
詩，皆入能品，非獨一門之盛，可謂一時之豪矣。葉  
正則贈幼高詩云：杜子五兄弟，詞林俱上頭。規模  
古樂府，接續後春秋。奇崛令誰賞，羈栖浪自愁。故  
園如鏡水，日日抱村流。陳同甫名亮，葉正則名適。

程垓

老來風味，是事都無可。只愛小書舟，膽圍着琅玕幾

箇呼風約月，隨分樂生涯。不羨富，不憂貧，不怕烏蟾墮。○三五徑醉，轉覺乾坤大。醉後百篇詩，儘從他龍吟鶴和。升沉萬事，還與本來天。青雲上，白雲間，一任安排我。

一愿二意  
在青白  
一字巧甚

趙昌父賦一丘一壑格律高古因效其體

辛棄疾

飯蔬飲水，客莫嘲吾拙。高處看浮雲，一丘壑中間甚樂。功名妙手，壯也不如人。今老矣，尚何堪，堪釣前溪月。○病來止酒，辜負鸕鷀杓。歲晚念平生，待都與鄰

一部四書  
通入四聲  
譜惟稼軒  
能之

亦取李易  
安句耶

翁細說人閒萬事先覺者賢乎深雪裏一枝開春事  
梅先覺

遊三榮龍洞

陸游

窮山孤壘臘盡春初破寂寞掩空齋好一箇無聊的  
我嘯臺龍岫隨分有雲山臨淺瀨蔭長松閒據胡牀  
坐○三杯徑醉不覺紗巾墮畫角喚人歸落梅村籃  
輿夜過城門漸近幾點妓衣紅官驛外酒爐前也有  
閒燈火

夏戾亶妓妾皆無被服客至隔簾奏樂時呼簾爲

夏侯妓衣

自述

宋自遜

便是洞天  
福地

壺山居士未老心先懶。愛學道人家。辦竹几蒲團。茗  
椀。青山可買。小結屋三間。開一徑。俯清溪。修竹栽教  
滿。客來便請。隨分家常飯。若肯再留連。更薄酒三  
杯。二盞。吟詩度曲。風月任招呼。門外事。不相關。自有  
天公管。

易板

海棠枝上。留取嬌鶯語。雙燕幾時來。並飛入東風院。

宇夢回芳草綠，遍舊池塘。梨花雪，桃花雨，畢竟春誰主。  
○東郊拾翠，襟袖霑飛絮。寶馬趁雕輪，亂紅中香塵滿路。  
十千斗酒，相與買春閒。吳姬唱。秦娥舞。拚醉青樓暮。  
取一作得

易彥祥潭州人，寧宗朝狀元，以優校爲前廊其妻亦善詞，今僅存一剪梅詞云：染淚緘書寄彥祥，貪就前廊，忘却回廊。功名成遂不還鄉，石做心腸，鐵做心腸。紅日三竿未理粧，虛度韶光，瘦損容光。相思何日得成雙，羞對鴛鴦，嬾畫鴛鴦。

和周清真韵

方千里

園林晴晝，花上黃蜂尾。鶯語怯遊人，又還傍、綠楊深處。  
避曲池斜迳，草色碧于藍。欄倦倚，簾半起，翳斷斜陽裏。  
江南春盡，渺渺平橋水。身在一天涯，問此恨、何時是已。  
飛帆輕槳，催送莫愁來。歌舞地，尊酒底，不羨東隣美。

晚春

劉基

清明過了，簾幕餘寒淺。芳樹不勝風，任流水、飄紅去遠。  
烟昏雨暝，天複海雲低。鶯意懶，蝶魂消，花盡成秋。

歸字妙

死○游絲落絮。特地相縈絆。無計綢春暉。漫贏得遮人望眼。登高凝睇。欲寄一緘書。鴻路阻。豹關深。日暮空腸斷。

田家

董斯張

景在眼前  
想落天外

天斜墻杏。蒲綠渾如草。麥浪疊青青。正楊柳貪眠未覺。漁童矮箇。吹出柳花雲千頃。一鋤餘無酒聽黃鳥。○畫眉小婦。携饅低低笑。未老嫩晴天來。目怕清明雨到。春過一半。不用隔宵愁。我背癢待誰搔。且倩麻姑爪。



早梅芳

曉別

周邦彥

重字妙極  
君美風吹  
雨濕衣襟  
重本此

花竹深房櫳好夜閒無人到隔窗寒雨向壁孤燈弄  
餘照淚多羅袖重意密鶯聲小正覓驚夢怯門外已  
知曉○去難留話未了早促登長道風披宿霧露洗  
初陽射林表亂愁迷遠覽苦語縈懷抱設回頭更堪  
歸路杳

爪茉莉

秋夜

柳永

世間有此  
如意枕亦  
復何恨

每到秋來轉添甚况味金風動冷清清地殘蟬噪晚  
甚聒得人心欲碎更休道宋玉多悲石人也須下淚  
○衾寒枕冷夜迢迢更無寐深院靜月明風細巴巴  
望曉怎生捱更迢遞料可見只在枕頭根底等人睡  
來夢裏

滿路花一作促拍滿路花

春情

秦觀

露顆添花色月彩投窗隙春思如中酒恨無力洞房  
咫尺曾寄青鸞翼雲散無踪踪羅帳薰殘夢回無處

詞苑

入卷十一

八美梨

滿路花

二十五

尋覓。輕紅膩白。步步薰蘭澤。約腕金環重。宜裝飾。  
未知安否。一向無消息。不似尋常憶。憶後教人。片時  
存濟不得。

周邦彥

金花落燼燈。銀鑠鳴窗雪。庭深微漏斷。行人絕。風靡  
不定。竹圃琅玕折。玉人新間濶。著甚情。恁更當恁地  
時節。○無言欹枕。帳底流清血。愁如春後絮。來相接。  
知他那裏。爭信人心切。除共天公說。不成也。還似伊  
無箇分別。

視天夢  
有何分別

風情

朱希真

夜飲朝服  
注思古意

簾烘淚雨乾。酒壓愁城破。冰壺防飲渴。培殘火。朱消  
粉退。絕勝新梳裹。不是寒宵短。日上三竿。人猶要  
同臥。如今多病。寂寞章臺左。黃昏風弄雪。門深鎖。  
蘭房密愛。萬種思量過。也須知有我。着甚情。拚你但  
忘了人呵。短字失韵呵上聲

和朱希真韵

方千里

未能奪先  
然可謂詞  
之方也已

鶯飛翠柳搖。魚躍浮萍破。班班紅杏子。交榴火。池臺  
畫永。綠繞花陰裏。山色遙供座。枕簟清涼。北窗時喚

高臥。○翻思年少走馬銅駝左。歸來敲鐙月留關鎖。  
年華老矣。事逐浮雲過。今吾非故我。那日尊前祇今。  
問有誰阿。

客懷

劉基

氣力心思  
不居填詞  
位  
立除消磨  
入

山○烟○掠○草○低○江○月○披○雲○濕○關○聲○宵○未○了○鐘○聲○急○寒○鴉○  
何○事○獨○在○枝○頭○立○老○來○諸○病○集○客○裏○光○陰○駛○如○馳○馬○  
難○繫○懷○新○思○故○記○一○長○遺○十○頽○墉○圍○廢○宇○憑○誰○葺○  
階○前○冷○露○似○向○離○人○泣○歲○暮○蛟○龍○蟄○干○將○挂○壁○任○他○  
苔○生○

按元好問詩。駛雨東南來。自注。駛與快同。見魏志。

趙松雪有駛雪帖。

春游卽事

王世貞

此等起句  
直是古詩

穿茅。逦字。青。壓。水。冰。如。綠。山城初雪罷。添裝束。誰家  
獵騎。掾。碎。千。崖。玉。貂。裘。斜。半。揭。馬。尾。捎。生。問。人。何。處  
堪。宿。青。帘。高。寫。美。酒。新。豐。熟。春。光。偏。占。蚤。花。如。簇。  
珠。簾。十。二。處。處。調。絲。竹。夜。闌。金。縷。曲。唱。道。明。朝。扶。頭。  
依。舊。醒。醺。

滿園花

即野不經  
人談偏健  
伊韵

怨情

秦觀

一向沉吟久。淚珠盈襟袖。我當初不合苦攔就。慣縱  
得軟頑。見底心先有。行待痴心守。甚捻着脉子。倒把  
人來憊憊。○近日來非常羅皂醜。佛也須眉皺。怎掩  
得衆人口。待收了孛羅罷了。從來斗。從今後休道共  
我。夢見也不能勾。

詞而緣切。擷摺手按抄物也。見詩注。

洞仙歌

柳

蔣捷

人世風流  
罪過都是  
此君教的  
妙妙

於人三字  
本杜詩竹  
葉於人既  
無分菊花  
從此不須  
開一半句

枝枝葉葉受東風調弄便是鶯穿也微動自鶯黃千  
綾數到飛綿閒無事誰管將春迎送○輕柔心性在  
教得遊人酒舞花吟恣狂縱更誰家鸞鏡裏貪學纖  
蛾移來倚粧樓新種總不道江頭鎖清愁正雨渺烟  
茫翠陰如夢

初春

李元膺

雪雲散盡放曉晴庭院楊柳於人便青眼更風流多  
處一點梅心相映遠約畧嚔輕笑淺○一年春好處  
不在濃芳小艷疎香最嬌軟到清明時候百紫千紅



似黃玉然  
夜來能有  
幾多寒色  
一箇梨花  
半開

花正亂。已失春風一半。早占取韶光共追遊。但莫管、春寒悴。醉紅自煖。

自敘云一年春物惟梅柳間意味最深至鶯花爛  
慢時則春已衰遲使人無復新意予作洞仙歌使  
探春者歌之不至有後時之悔耳○詞品南唐潘  
希嘗應後主令作詞云樓上春寒山四面桃李不  
須誇爛熳已失了東風一半蓋諷其地漸侵削也  
李元膺詞用之

丁卯八月病中作

辛棄疾

作道學先生詩者何不做此

賢愚相去筭其間能幾差以毫釐繆千里細思量義利舜跖之分孳孳者等是雞鳴而起○味甘終易壞歲晚還知君子之交淡如水一餉聚飛蚊其響如雷深自覺昨非今是羨安樂窩中太和湯更劇飲無過半醺而已

### 華胥引

秋思

周邦彥

可險詞甚工宋子不亂筆劉一筆及照

川源澄暎烟月冥濛去舟似葉岸足沙平蒲根水冷留雁唼別有孤角吟秋對曉風鳴軋紅日三竿醉頭

三竿一竿  
都妙

扶起還怯。○離思相縈。漸看看鬢絲堪鑷。舞衫歌扇。  
何人輕憐細閱。點檢從前恩愛。鳳牋盈篋。愁剪燈花。  
夜來和淚雙疊。

江城梅花引

閨情

康與之

描寫閨情  
妙在沒半  
點男人聲  
息

娟娟霜月冷侵門。怕黃昏。又黃昏。手撚一枝獨自對  
芳樽。酒又不禁花又惱。漏聲遠。一更更。總斷魂。○斷  
魂斷。魂不堪。開被半溫香。半薰睡也睡也。睡不穩。誰  
與溫存。惟有牀前銀燭照啼痕。一夜爲花憔悴損。人

瘦也。比梅花瘦幾分。

弇州曰：人瘦也。比梅花瘦幾分。又天還知道，和天也瘦。又簾捲西風，人比黃花瘦。又應是綠肥紅瘦。又人共博山烟瘦。瘦字俱妙。○建炎中，駕駐維揚，康伯可上中興十策，名振一時。後秦檜當國，伯可乃附會求進，爲十客中之狎客，專應制爲歌詞。重九遇雨，奉勅口占望江南云：重陽日，陰雨四郊垂。戲馬臺前泥拍肚，龍山會上水平臍，直浸到東籬。茱萸胖，菊蕊濕，滋滋落帽孟嘉尋，翦笠休官陶令。

見、袞、衣、兩、箇、一、身、泥、蓋、蒜、酪、體、也、上、大、笑、

荆溪阻雪

蔣捷

全學伯可  
有出與之  
色

起以鷗閑  
結以梅愁  
花鳥情長  
江湖氣短

白鷗問我泊歸舟是身留是心留心若留時何事鎖  
眉頭風拍小簾燈暈舞對閒影冷清清憶舊游○舊  
游舊游今在不花外樓柳下舟夢也夢也夢不到溪  
水空流漠漠寒雲濕透木棉裘都道無人愁似我今  
夜雪有梅花似我愁

離別難

薛昭蘊

物相結謂  
之文此詞  
用韵正以  
錯雜見奇

寶馬曉韉雕鞍羅幃乍別情難那堪春景媚送君千  
萬里半粧珠翠落露華寒紅蠟燭青絲曲偏能鈎引  
淚闌干○良夜促香塵綠覓欲迷檀眉半斂愁低未  
別心先咽欲語情難說出芳草路東西搖袖立春風  
急櫻花楊柳雨淒淒

玉人歌

楊炎

風西起又老盡籬花寒輕香細漫題紅葉句裡意誰  
會長天不恨江南遠苦恨無書寄最相思盤橘千枚

膾鱸十尾。○鴻雁阻歸計。算愁滿離腸。十分豈止倦。  
倚門千顧影。在天際。凌烟圖畫青山約。總是浮生事。  
判從今買取朝醒夕醉。

惜紅衣無射宮堯章自度曲

本意

姜夔

白石自云七十二峯生肺肝余正疑此若而肝中羅列驚驚七十二者

枕簟邀涼。琴書換日。睡餘無力。細灑冰泉。并刀破甘。  
碧牆頭喚酒。誰訊問城南詩客。岑寂。高樹晚蟬。說西  
風消息。○虹梁水陌。魚浪吹香紅。承半狼藉。維舟試  
望故國。渺天北。可惜柳邊沙外。不共美人游歷。問甚

時同賦三十六陂秋色

以色易聲  
以紅配白  
一時佳事

堯山堂外紀姜堯章南渡名流趙子固目爲詩家  
申韓每喜自度曲吟洞簫小紅輒歌而和之小紅  
者順陽公青衣也有色藝順陽公徵新聲于堯章  
堯章製暗香疎影二曲公使二妓肄習之音節清  
婉堯章歸吳興公尋以小紅贈焉一夕大雪過垂  
虹賦詩云自喜新詞韵最嬌小紅低唱我吹簫曲  
終過盡松陵路回首烟波十里橋居若溪與白石  
洞天爲鄰繼德又號之曰白石道人姜蒼詩曰南



山仙人何所食。夜夜山中煮白石。世人喚作白石  
仙。一生費齒不費錢。仙人食罷腹便便。七十二峯  
生肺肝。又嘗有詩云。夜暗歸雲繞柁牙。江涵星影  
雁團沙。行人悵望蘇臺柳。曾與吳王掃落花。楊誠  
齋極喜誦之。其湘月翠樓吟玲瓏四犯諸腔皆自  
度者。傳至今不得其調。難入管絃也。○范石湖評  
堯章詩云。有裁雲縫月之妙。手敲金戛玉之奇聲。  
蕭東父尤愛其詞。以其兄之子妻之花庵絕妙詞  
選。凡白石所作。具載無遺。居鄱陽。進樂書免解。不

第而卒惜哉

八六子

春怨

秦觀

本中少主  
雖恨却如  
春草更行  
更遠更生

倚危亭。恨如芳草萋萋。盡還生。念柳外青驄別後，  
水邊紅袂分時。愴然暗驚。○無端天與娉婷。夜月一  
簾幽夢。春風十里柔情。怎奈向、歡娛漸隨流水。素絃  
聲斷。翠綃香減。那堪片片飛花弄晚，濛濛殘雨籠晴。  
正銷凝。黃鸝又啼數聲。

望鍾山

林章

潮近歌曲  
矣可不慎  
其餘乎

翠娉婷只爲一片墻兒。費了雙睛。正禁苑春風動處。  
御溝流水。忙時教人怎生。○東君應惜多情。草綠不  
當幽巷。鳥啼都隔重城。道是箇三千裏頭人也。夢兒  
孤另。影兒清冷。不如燕子年年。漢寢梨花歲歲。唐陵  
倚空亭。斜陽照人欲凝。

魚遊春水

春景

誤作阮  
逸女  
無名氏

秦樓東風裏。燕子還來尋舊壘。餘寒猶峭。紅日薄侵  
羅綺。嫩草方抽碧玉茵。媚柳輕拂黃金縷。鶯嚀上林。

魚遊春水  
所清波夫  
工前云魚  
遊後云  
鯉未服

魚遊春水。○幾曲闌干過倚。又是一番新桃李。佳人  
應怪歸遲。梅粧淚洗。鳳簫聲絕。沉孤雁。望斷清波無  
雙鯉。雲山萬重。寸心千里。

復齊漫錄云政和中一中貴人使越州回得詞于  
古碑陰無名無譜錄以進御命大晟府填腔因詞  
中語賜名魚遊春水。○古今詞話東都防河卒于  
汴河上掘地得石刻有此詞凡八十九字而風花  
鶯燕動植之物曲盡此唐人語也後之悲物寫情  
不及之矣

避亂還家見桃花盛開

梁寅

家隣千峯翠。幽徑重開荆棘裏。小桃花艷春日盈盈。  
霞綺香入騷人碧玉杯。色暎遊女青螺髻。帶露更嬌。  
迎風偏媚。○古有墻東避世。况似武陵風光美。時時  
獨酌花間。別有天地不教掃逕看尤好。意欲尋仙從  
茲始。巖前白雲石邊流水。

梁寅字孟敬。臨江新喻人。元時辟爲集慶路儒學  
訓導。大明一統天下。徵名儒修述禮樂。寅就徵已  
六十餘矣。時以禮律制誥分爲三局。寅在禮局中。

討論精審諸儒推服書成將授官寅以老疾辭歸  
結屋石門山四方士多從之學稱為梁五經

### 雪師兒

程垓

善制故學  
善掠故整  
詞人須知  
此二字訣  
○三雲  
風雨花雨  
香雨順低  
瘦

斷雲低晚。輕烟帶暝。風驚羅幙。數點梅花。香倚雪窗  
搖落。紅爐對謔。正酒面瓊酥初削。雲屏煖。不知門外  
月寒風惡。○迤邐慵雲半掠。笑盈盈。閒弄寶箏絃索。  
暎極生春。已向橫波先覺。花嬌柳弱。漸倚醉。要人攬  
着。低告託。早把被香熏却。

一枝花

醉中作

辛棄疾

千丈數語  
入他人手  
如何耐得

放翁所謂  
王侯蠅蟻  
畢竟成塵

千丈擎天手。萬卷懸河口。黃金腰下印。大如斗。更千  
騎弓刀。揮霍遮前後。百計千方。久似闌草兒。童羸箇  
他家。偏有。算枉了。雙眉長。教白髮。空回首。那時閒  
說向。山中友。看丘隴。牛羊更辨賢愚否。且自栽花柳。  
怕有人來。但只道。今朝病酒。

探芳信

菊

蔣捷

竟把陶公  
傲菊花前  
身絕奇

翠吟哨似有人黃裳孤竚埃表漸老侵芳歲識君恨  
不早料應陶令吟魂在凝此秋香妙傲霜姿尚想前  
身倚窗餘傲○回首醉年少控駿馬蓉邊紅驪茸帽  
淡泊東籬有誰肯夢飛到正襟三誦悠然句聊遣花  
微笑酒休賒醒眼看花正好

鵲踏花翻

美人解

徐渭

落筆有風  
勢

鑼鼓聲頻街坊眼慢不知怎上高高騎生來少骨多  
筋軟陡騰翻依稀畧借鞦韆和轡作時鵲打雪風天停



猶燕掠桃花地。○下地不動些兒珠翠。堪描耐舞軍  
裝伎。多少柳外妖嬌。樓中笑指顛倒金釵。墜無端歸  
路。又逢誰斜陽繫馬陪他醉。作去聲

謝池春慢

張先

望若園繡  
丹青綺分

繚牆重院。時聞有啼鶯到。繡被掩餘寒。晝幕明新曉。  
朱檻連空闊。飛絮舞多少。徑沙平。沙水渺。日長風靜。  
花影閒相照。○塵香拂馬。逢謝女城南道。秀艷過施  
粉。多媚生輕笑。鬪色鮮衣薄。碾玉雙蟬小。歡難偶。春

過了琵琶流怨都入相思調

舞一作無

花朝

梁寅

薄寒山閣當亭午。蕭蕭雨。鳥靜百花林。水動蘭苕渚。  
玉勒驄稀出。油壁車何處。欲簪花。簪不住。花紅髮白。  
應笑人憔悴。○春過一半。東去水難西駐。前半傷多。  
病後半休虛負。白醴匏尊滿。紫笋山殺具。心無累。皆  
佳處。自辭觴酌。勸客須當醉。

梁徵士石門集有雨霖鈴調云螺峯堆綠。夜來經  
雨。渾似膏沐。飛泉怒瀉崖谷。懸霜練。鳴蒼玉。虎跡

人言雪是  
玉戲雲亦  
能相逐爲  
戲耶

六聲三韵

巖前過處踏碎翠苔褥。聽啼鳥山北山南樹杪殘。  
雲自相逐。此詞甚佳。惜逸其半。

醉翁操

琴曲

蘓軾

琅然清圓誰彈響。空山無言。惟翁醉中和其天。月明  
風露娟娟。人未眠。荷蕢過山前。曰有心也哉此賢。  
泛聲  
同。○醉翁嘯咏聲和流泉。醉翁去後空有朝吟夜怨。  
此。○山有時而童顛。水有時而回川。思翁無歲年。翁今爲  
飛仙。此意在人間。試聽徽外三兩絃。  
怨平聲

傳之今日  
亦是一曲  
展陵散

自序琅邪幽谷山川奇麗泉鳴空澗若中音會醉  
翁喜之把酒臨聽輒欣然忘歸旣去十餘年而好  
奇之士沈遵聞之往遊以琴寫其聲曰醉翁操節  
奏疎宕而音指華暢知琴者以爲絕倫然有其聲  
而無其辭翁雖爲作歌與琴聲不合又依楚詞作  
醉翁引好事者亦倚其詞以製曲粗合均度而琴  
聲爲詞所繩約非天成也後三十餘年翁旣捐館  
舍遵亦沒久矣有廬山玉澗道人崔閒特妙于琴  
恨此曲之無詞乃譜其聲而請于東坡居士以補

之云

琴曲

辛棄疾

小詞中雖  
駭也

長松之風如公。肯予從山中。人心與吾兮。誰同湛湛。  
千里之江。上有楓。噫。送子于東。望君之門兮。九重。  
女無悅已。誰適爲容。不龜手藥。或一朝兮。取封。昔與  
游兮。皆童。我獨窮兮。今翁。一魚兮。一龍。勞心兮。忡忡。  
噫。命與時逢。子之所食兮。萬鍾。  
龜音均

自序頃余從范先之求觀家譜見其冠冕聯聯  
載勲德先之甚文而好修意其昌朱艾也時軍

勲臣子孫無見任者命官之先是屢詔錄元祐黨籍家合是二者先之應仕矣將告諸朝行有日請余作詩以贈屬余避謗持此戒甚力獨念余與先之遊八年日從事詩酒間相得歡甚于其別也何能恻然顧先之長于楚詞而妙于琴輒擬醉翁操爲之詞以敘別異時先之綰組東歸僕當買羊沽酒先之爲鼓一再行以爲山中盛事云

淒涼犯

一名瑞雀仙影

賦重臺水仙

吳文英

淒涼犯

意難忘

三

空江浪濶清塵凝。層層刻碎水葉水邊照影。華裙曳  
翠露搔淚濕。湘烟暮合。塵韞凌波。半涉怕臨風。欺瘦  
骨。護冷素衣疊。○樊姊玉奴恨小。綰疎唇。洗教輕怯。  
汜人最苦。粉痕深。幾重愁壓。花溢香濃。猛薰透霜絹。  
細摺倚瑤臺十二。金錢暈半□。○壓入聲

意難忘

元宵雨

劉辰翁

角動寒譙。看雨中燈市。寒意蕭蕭。星毬明戲馬。歌管  
襍鳴刁。泥沒膝。舞停腰。餓蟬狂風飄。更可憐。紅啼桃

臉綠頰楊梢。○當年樂事朝朝。曾錦鞍呼妓。金屋藏嬌。園香春醉酒。坐月夜吹簫。今老去。倦歌謠。嫌殺杜家橋。漫三杯。擁爐覓句。斷送春宵。

頰與醋同音潰洗面也

佳人

周邦彥

衣染鶯黃。愛停歌駐拍。勸酒持觴。低鬟蟬影動。私語。脂香。蓮露滴。竹風涼。拚劇飲淋浪。夜漸深。籠燈就月。仔細端相。○知音見說。無雙解。移宮換羽。未怕周郎。長壠知有恨。貪耍不成。此箇事。惱人腸。待說與。

貪耍不成  
粧嬌擬媚  
日○未句



與孫夫去  
怕傷郎又  
還休道昔  
與體人情

何妨又恐伊尋消問息瘦減容光

顚隻詞山枕上私語口脂香

古今詞統卷十一

終